

新刊萬氏家傳幼科發揮

新刊萬氏秘傳幼科發揮卷之下

羅田密齋萬 全編著

腫

腫有二經云面腫曰風足腫曰水凡腫自土起者皆因於風治在肺宜發散之所謂開鬼門者是也鬼門汗孔也參蘇飲合五皮湯主之

腫自下起者因於腎虛宜滲利之所謂潔淨府是利其小便也故仲景云治濕不利小便非其治也宜五

苓散加防已栝栢主之

有一身盡腫者宜胃苓五皮湯主之經鬱則折之謂
上下分消以去其濕發汗利小便此方是小兒者胃
苓丸煎五皮湯送下

胃苓丸 此予家傳十三方也

此方胃苓丸加草薢仁

蒼朮 洗浸

厚朴

陳皮

猪苓

澤瀉

白朮

茯苓

各一兩

苧草

官桂

草薢仁 各三錢

為末水麴丸麻子大米

飲下此小兒常用之藥隨病換引

先翁治小兒腫只用胃苓丸正方順叔長流水入燈

心煎湯送下每日午時用五加皮煎湯抱兒於房內
無風去浴之浴罷上床睡令一覺以薄被蓋之得微
汗佳如是腫消而止未有不効者

五皮湯

桑白皮

陳皮

生姜皮

茯苓皮

大腹皮

水煎

經紀萬邦瑞女二十七歲病腫甚異寅後午前上半
身腫午後丑前下半身腫上下盡消惟牝戶腫小便
難諸醫不能治請予治之予曰經云身半以上天之
陽也宜發其汗使清陽出上竅也身半以下地之陰

也宜利小便使濁陰出下竅也正上下分消以去其
溫之法唯半夜陰尸腫不得小便此又當從肝經求
之恭厥陰肝經之脉丑時起於足上環陰器又肝病
者則大小便難用胃苓五皮湯發汗利小便也內有
茯苓所以伐腎肝之邪木得桂而枯又以辛散其肝
經之水以溫腎之真寒溫也連服十一劑而腫盡消
去矣

予奉先翁之教凡腫微者只用胃苓丸本方治之如
面腫甚者胃苓丸本方內加紫蘇葉二錢苦葶藶一
錢隔紙炒以去肺經之風足腫甚者本方內加漢防

已二錢牽牛炒取頭末一錢共為丸燈心煎湯下
有一二人不守先訓專用葶藶牽牛為治腫之藥隨
消隨腫殺兒甚多累吾之德雖禁之不能阻也

湖廣右布政使孫 隆慶丁卯入場監試為書經禮

記總裁有小姐病晉余司中調理小姐誤食菱角傷
脾面腫而喘夫人憂之命余進藥余立一方用錢氏
異攻散加藿香葉以去脾經之濕紫蘇葉以去肺經
之風一劑而安場罷後公出見其方謂全曰此方甚
好取筆札令舍人孫環書記之
小兒病嗽病瘡病瘡後腫者皆虛腫也

如受風雨水濕之氣而腫者實腫也通用胃苓丸主之此家傳之法也

小兒諸腫不問虛實並用胃苓丸五皮湯主之此家傳也

如因喘嗽面目浮腫者宜消腫葶藶丸主之

如瘡後遍身浮腫者此因瘡發之後外中風邪內傷冷水得之宜胃苓丸用長流水順取人燈心煎湯送下更如日午浴之法如前

如無他病浮腫者視其腫起之處治之如自面起上半身先腫者此風腫也宜五皮湯加紫蘇葉防風主

之如從足起下半身先腫者此濕腫也宜五苓散防
已木通主之

如腫久不消氣實能食者宜利其水商陸胃苓丸主
之

腎者水之根濕則傷腎小兒久坐濕地者多此疾

如氣弱食少者只以補脾為主脾屬土土能勝水脾
強則水去而腫消矣宜參苓平胃散加藿香葉紫蘇
葉木香砂仁為丸服之

有腎虛者安腎丸服之

有面目俱黃遍身俱黃且腫者此黃腫也宜胃苓丸

幼科發微卷之十一

加茵陳服之

如黃而不腫者此疸證也觀其色之明黯如黃而色鮮明小便色黃且澁者此熱也宜三黃金花丸主之如黃色昏黯小便不利者此濕也宜茵陳五苓散主之

安腎丸 大腫不消腎虛不納也

川烏炮去皮 桂心各一兩 白茯苓 白朮

石斛酒炒 白茯苓刺炒去 已戟天 從蓉酒洗

故紙炒 桃仁微炒去尖 萆薢各三兩

右為末煉蜜為丸芡實大每一二丸鹽湯下

胃苓五皮湯

治腫要藥

平胃

五苓方見前

右剉取長流水燈心煎服

商陸胃苓丸

病腫氣壯能食者宜此治之謂商陸

莖繫淨府也

石共為末水煮麵丸麻子大每服五十丸至三十丸止大便後快又服衰其半而止

一兒瘡後腫用胃苓丸長流水煎燈心湯下又用浴法調理二十日而安

一兒病腫有庸醫假專門之名不守家傳之法嘗稱得異人之術用牽牛葶藶為治腫方之神藥作散服

之元氣下陷肚大坐不得臥陰囊腫大華長而卷予見之嘆曰脾土已敗肝木獨旺乃賊邪也不可治矣果死

一兒病腫腹大彼自庸醫妄談五日消一分乃取繩子圍其腹量之投以牽牛葶蘆服之利下數行腫減十分之三父母甚喜約至五日再消三分未三日又大腫較大如前庸醫聞之走去病勢益甚而死

一義子十五歲病痘面目俱黃予問之對曰傷食起腹中大熱又痛乃立一方用黃蘗枝子等大黃減半以退其熱猪苓澤瀉茯苓薏米等分以去其濕枳實

厚朴神麴以去其食積茵陳蒿倍用以去其黃共為
細末酒糊丸車前子煎湯下三日後吐去黃水一碗
許胃中不熱又二日泄三行腹中不痛十日以後小
便漸清黃亦減矣此一服在夏月

脹病

脹病有二屬虛者多實者少東垣錢氏等從虛治內
經云太陽從濕謂寒濕也作熱治者誤矣當以脉證
辨之實脹者或因食積或因癖塊先有物在胃腸中
而後脹形於外也按之則堅宜消導以去之不可攻
之攻之愈虛不可治矣宜胃苓丸主之

虛脹者或因吐瀉瘕痢之後脾胃久傷而病此虛氣在於膜育之外其外雖脹其中無物按之則濡扣之有聲不可外攻攻之即死宜用溫補錢氏加減異攻散作丸服之

人參

白朮

甘草

炙各一錢

陳皮

青皮

枳實

炒

厚朴

炒

半夏曲

黃連

姜汁炒錢五分

木香

丁香

藿香葉

右共為末神曲糊丸麻子大炒陳米湯下因於熱者必口乾飲水神識不清無時譫妄宜三黃丸河間涼膈散仍作膽導法

河間涼膈散

連齋一錢

黃芩

二
分
五

薄荷葉

二
分

棗子仁

三
分

甘草

大黃

朴硝

各
五
分

右用水一鐘竹葉五片煎臨熟入蜜一匙去渣溫服

因於宿食者必惡食吞酸腹中時痛宜三黃枳朮丸方見後木香枳榔丸主之

因於積者腹中陣痛丁香脾積丸主之

小兒腹脹與大人不同多曰傷食得之宜胃苓丸合丹溪保和丸主之

如果傷食腹脹或痛吞酸惡食大便不利者宜木香承氣丸主之

枳實炒 厚朴姜炒 枳櫛酒浸各分 木香減半

大黃酒浸分兩同上三味

右為末酒糊丸麻子大白湯下

木香枳櫛丸 治傷一切熱積兼治痢疾腹痛

木香 枳櫛 青皮去白 陳皮去白

莪朮煨 黃連 黃蘗 香附子

枳壳炒各 將軍炒 黑丑加二倍 婦人加當歸

歸兩半一方有黃芩三稜分兩不同

右為末水杵為丸麻子大姜湯下

加減弱氣湯 治腹脹

葶藶

砂仁

青皮

陳皮

丁香

全蝎

萊服子 炒各等分

右為末神曲糊丸麻子大厚朴湯送下

予外甥女有食積脾虛病出痘後又傷食腹脹不喜食予用胃苓丸方加枳實炒神麴麥蘖青皮作丸服之

予孫邦子也先病瘡傷食成疳又傷食甚瘦腹脹大而堅見人則哭予立一方用人參白朮白茯苓甘草

幼科發熱卷之十
半夏曲枳實炒厚朴黃連木香莪朮砂仁使君子神
曲麥芽蘆甲夜明砂當歸川芎等藥

一小兒瀉後腹脹予用加減塌氣丸服之愈

一兒瘰久不退腹大而堅予用化癖丸服之愈

一小兒五歲腹大善食予見之謂其父母曰乳多必
損胃食壅即傷脾今即腹大如是又不知節縱其口
腹吾恐腸胃乃傷不成腸癖必成疳也後果成疳肚
大青筋予治以集聖丸調理而愈

一兒善食腹大予用保和丸胃苓丸二方服之調理
而愈

一兒因傷食腹痛脹醫用藥下之愈又傷食腹脹醫
再下之予聞之曰非其治也誤殺此兒果半年而死
或問何料神也曰有食飽傷胃而脹法宜消導之不
可攻下也有脾虛不能消食食飽則脹者此宜補脾
以助其傳化之可也豈可下乎此兒初脹食飽傷脾
也不行消導乃下之誤矣後又腹脹則脾虛之病也
再三下之不大誤乎屢下屢脹故令即腹大無紋臍
突皆平而死雖醫之誤不聽吾言父母之過也
腹中有癖瘕後多有之兒有癖者常作寒熱似瘕不
可作瘕治也癖去則寒熱自止家傳消癖丸甚効

人參

陳皮

三棱

莪朮

木香

黃連

砂仁

蟹甲

枳實

夜明砂

使君子

乾蟾

半夏曲

麥芽

海昆布

右為末酒糊丸麻子大米飲下

先翁治癖只用香蟾丸此家傳十三方也

木香

人參

黃芪

當歸

桔梗

三棱

莪朮

蟹甲

綠礬

枳實

使君子

練根皮

訶子

乾蟾

七錢五

黃連

一兩

右為末丸如綠豆大每服三四十丸水飲下

腹痛 有蟲 有積

蟲痛發作無時隨痛隨止發則面色眊白口吐涎沫
腹中痛作疔吞脉洪大目直視似癰宜下之用木香
檳榔丸苦練根白皮煎湯送下 先翁用雄黃解毒
凡下之小兒體弱者不可下也用安蟲丸以漸去之

莪術 醋煨 木香 黃連 青皮

檳榔 使君子 白蕪荑仁 白雷丸

苦練根皮 紅者可用赤者有勞各等分

右為末醋麪丸麻子大白湯下

家訓云凡欲取蟲須於每月上弦前取之虫頭向上
若望後頭向下不可取也

王小亭子善食嘗苦虫痛予用安神丸服之三日後
取下一蟲甚異約長一尺身赤色大如鱸令人手持
其兩頭牽之長二三尺形如小綫放下依舊短縮此
虫母也

胡泮西弟蚤卒遺子乃泮西夫人養之嘗苦腹中蟲
痛請先翁治之再三不効復請予治之予問先翁曾
用何藥翁曰雄黃解毒丸予問翁再有別方否翁曰
以此一方用之屢効予告翁云此蟲有靈當設法取

之擇定除破日在每月初旬取之勿令兒知也臨夜煎下苦練根湯次日五更與其伯母議用清油煎鷄子餅一個先食之後服藥故不與食兒聞其香味急欲食之腹中如有物湧土心口取藥與服之少頃心口之物墜下以蛋食之不食也已時腹中大鳴而瀉下一蟲甚異約小指長有頭有手足狀如嬰兒予見之驚曰此云傳癆虫也泮西云彼父癆死母亦癆死今此兒正三傳也幸去之矣令一婢用鐵鉗夾之河中以火焚之有烟撲入婢口中其婢亦病癆死此男無恙至今誦之翁曰汝用何藥如此効余曰雄黃餅

毒在恐人知之故秘之也

木縣戶房吏閻姓者麻城人也子有蟲痛黃瘦腹中
時痛口饑如有肉食則痛不發一日無肉則痛發也
詣先翁治之翁命予往見其子甚弱不敢下乃思一
計只用苦練根皮放肉汁中煮食之單服三日下蟲
如爛斗者一盆色黃黑後以養脾丸調理而安閻厚
謝先翁謂先所曰吾有子矣往吾教他讀書醫出於
儒先毋聞之喜

一兒七歲善食肉嘗病腹痛其父問曰積痛虫痛何
如予曰積痛發有常處手不可按惡食而口乾虫痛

無嘗處喜手按摩口飲而吐清水此兒乃蟲痛也以
藥取之下蟲大者十餘條而痛止未一月又痛予曰
不可再取矣如不去其蟲則痛不除積不除則蟲不
生苟再取之恐傷胃氣不可也乃立一方用黃連木
香檳榔去積為主陳皮青皮三稜莪朮枳實山查專
去其積使君子白蕪荑川練子苦練根皮專去其虫
等分為末神曲糊丸麻子大米飲下常服之時下小
虫及下大虫如指大約長一尺乃虫母也自後痛漸
減

或問人腹中皆有蛇虫何兒之虫獨多也予曰小兒

食傷成積。積化為虫。嘗觀草腐而化。螢木腐而生。蠹人脾虛而虫。藥其理一也。或又問虫之狀有不同者。何也。曰。各從其臟變化也。如心屬火。化為羽。虫肝屬木。化為毛。虫肺屬金。化為介。虫腎屬水。化為鱗。虫脾屬土。化為倮。虫故蛇。虫倮。虫出於脾。為土化也。

積痛

小兒腹痛。為食積者多。食積之痛。屬寒者多。蓋天地之化。熱則發散而流通。寒則翕聚而壅塞。飲食下咽之後。腸胃之陽不能行其變化。轉輸之令。使穀肉菓木之物。留滯腸胃之中。故隨其所在之處而作痛也。

如在胃中猶是完物在當心而痛宜吐之所謂高者越之也。瓜蒂散主之。

其在小腸中雖變化猶是糟粕其痛在心之下臍之上宜辛溫之藥利下之。宜丁香脾積丸主之。

一兒周歲食肉太早自此成積日漸羸瘦不思乳食其父沙溪告予請醫治之。予取養脾去積丸先服三服。後用脾積丸鷄肉湯下。取下鷄肉一片猶未化也。再服養脾丸調理而愈。

其在大腸者水穀已分傳送廣腸為疾也其痛在臍之下宜苦寒之藥下之。木香檳榔丸主之。

如可吐者不如吐湯探吐之法猶妙如飲食之後梗
有胃口痛者此宜吐之如因舊日之積作痛者不可
吐之恐傷胃氣宜小陷胸丸主之

枳實

火炒二錢

半夏

黃連

姜汁炒各二錢

草薢

炒五

右為末神曲糊丸麻子大姜湯下

王少亭一日胃腕當心而痛請予治之七日不止予
以手摸其胸腹問在何處惟心之下手不可近予曰
吾羞矣何怪其藥之不効也凡腹手可按者虛痛也
手不可按者實痛也實痛非疾則痰故手不可按也

乃立一方以枳實導滯丸控涎丹二方內揮取枳實
黃連半夏各二錢木香黑牽牛頭末白芥子炒甘草
等分搗羅為末用生姜自然汁和神曲作丸麻子大
以沈香木香煨柳磨水下或姜湯亦可初服二十一
丸少頃痛移下中腕又服七丸至臍下又服五丸利
下清水而止乃知是臍痛也復作枳朮丸加青皮陳
皮木香砂仁神曲麥芽山查調理而安治痛者其可
忽諸

凡腹中積痛者只在腸胃之中蓋腸胃為市物之聚
也脾主腐化而無所受故也非客所犯必不為痛如

有脾痛者宜祖傳三聖散主之

蒼朮

鹽炒

香附子

生炒

良姜

清油炒

石為細末熟酒調下

吐瀉

吐出上焦瀉出下焦乃腸胃之病也脾在中焦管攝乎上下之間吐瀉互作者乃脾之病也夫人身之中足陽明脾脉之氣自上而下足太陰脾採之氣自下而上上下循環陰陽交接謂之順而無病也故胃氣逆而為上則為嘔吐脾氣逆而為下則為泄瀉吐瀉之病脾胃為之總司也

發揮云胃在上焦主內而不出嘔吐則不納矣腸在下焦主出而不入有經泄瀉出則無經矣觀朱無謚傷寒括云胃家有熱難留食胃冷無緣納水漿則吐瀉之出於上焦也明矣又張長沙傷寒論云下利服理中不止理中者理中氣也治泄不利小便非其治也五苓散主之不止者在下焦赤石脂禹餘糧湯主之則泄瀉出於下焦也明矣

赤石脂一斤 禹餘糧一斤 水陸升煮取貳升去渣分三服

又按治泄利者有四法焉有用理中湯以治其理氣

者有用五苓散以利其小便者有用真武湯以溫其
腎者有用赤石脂禹餘糧以固澁其大腸者不可不
知其要也。蓋腎開竅於二陰主蛰藏者也。如門戶然。
泄瀉不止門戶不要也。故以姜附以溫之。閉其門戶
也。腸胃者容受水穀之氣。猶倉廩然。脾司出納。乃倉
廩之官也。吐瀉之不止。乃倉廩之不藏。官之失其職
也。故用參朮以補之。封其倉廩也。下焦者水穀注下
之路。如溝瀆然。小便不利者。溝瀆之不能別也。故用
諸苓。澤瀉以利之。疏通其水瀆也。大便不禁。溝瀆之
不能澁也。故用赤石脂龍骨以澁之。塞其決也。

扶杖

芍藥

主姜

各一兩

附子

炮

八

枚

核

入

白朮二兩

右用水八升煮取三升溫服七合三日

祖訓治吐瀉者只用胃苓丸吐以煨生薑湯

世以

一粒丹和之炒米湯下

一粒丹亦名自玉丹此家傳十三方也

寒水石二兩白凡枯一兩為末水糊丸小豆大每

丸米湯下

錢氏曰脾主困謂疲憊也非嗜臥也吐瀉久則生風

飲食傷則成疴易至疲憊也此與腎主虛同

論腎者元氣之主腎虛則為稟賦不足之病脾者氣
穀之主脾虛則為津液不足之病故小兒五臟之病
脾腎最多肝心次之肺又次之

小兒吐瀉多因傷乳食得之

如吐瀉時不啼哭不喜飲食此傷乳食也初得之不
可遽止宿食未盡去也宜換乳食勿令重傷吐瀉益
甚非醫之咎也益黃散主之

有熱者胃苓丸用東向陳壁土和乾姜少許炒焦入
水煎湯澄清吞下瀉不止以胃苓丸一粒卅合而服
之煎湯下効

如吐瀉時不惡風寒喜人懷抱此傷風吐瀉也宜發散惺惺散

如吐瀉時啼哭其身俛仰不安者必腹中有痛此霍亂也內傷乳食外感風寒得之先治其裏宜理中湯加藿香後治其表桂枝湯表裏通治一霍香正氣散一兒周歲吐瀉並作時天太寒醫用理中胃苓丸服之不効予曰此表裏有寒邪未得發散也取益黃散與之其夜得大汗而止

一女歲半與前兒同症吐瀉此傷食也前有外感風邪故用益黃散溫其表裏之寒此只是傷食用胃苓

丸一粒丹陳壁土湯下調其脾胃消其食積而吐瀉俱止

一兒暴吐瀉上下所出皆乳不化用理中丸服之効
一兒暴吐瀉上下所吐皆黃水中有乳片用二陳湯加黃連姜汁炒煎服効

或問二病同而治之異者何也曰所出之乳不化者胃有寒也故以理中丸急溫之所出乳片不化者胃有熱邪熱不殺穀宜半夏黃連以解之此同病異治法也

嘔吐

一兒嘔吐多因乳食之傷得之非若大人有寒有熱也然因於寒者亦有之

嘔乳溢乳兒乳當分作三證治之

嘔乳者初生小兒胃小而脆容乳不多爲乳母者量餵而與之勿令其太飽可也子之胃小而脆母之乳多而急子縱飲之則胃不能容大嘔而出嘔有聲而乳多出如瓶注水滿而溢也

溢乳者小兒初生筋骨弱左傾右側前俯後仰在人懷抱扶持之也乳后太飽兒身不正必溢出二三口也如餅注水傾而出也

嘔乳者小兒無時乳常流出口角唇邊常見如針之漏而水滲出也即吐露

嘔乳者節之可也。溢乳者正抱其身可也。皆不必治。嘔乳者胃病虛也。宜補之。理中湯丸加藿香木瓜主之。

先翁治小兒嘔吐只用胃苓丸研碎以生姜煨熱煎湯調下即止

理中湯治嘔吐或有不止者嘔家不喜耳故也必去甘草加藿香之辛木瓜之酸用之効。傷冷乳者所出清冷面皖白者是也宜益黃散煨生

姜煎湯調服

瀉熱乳者物出熱而赤唇燥者是也宜六一散煨生

薑煎湯調服

傷乳食物出作酸酸氣者是也宜胃苓丸煨生薑煎

湯研碎調服

本縣儒學教官陶有一子生八月病吐諸醫治之不
止湯丸入口即吐諸醫云食入即吐是有火也欲作
火治用瀉火藥又不効衆醫不能治其吐益劇即請
予至議治予曰理中湯師曰服此方不得入也予曰
用法不同時有生員蔡一山素與吾不睦在傍咲云

不必多言。且看汝法何如也。予曰：汝亦不必多言。明
早來問。始見吾之能也。此非試宏詞博學科。何相忌。
即作理中湯劑。用積諸膽汁。童便各半拌之。炒焦。以
水煎服。藥入立止。次早蔡生來問。師曰：果効。問是何
方。曰：理中湯。蔡子又問何法。予曰：此在內經中。傷冷
諸脈入溺。白通湯方。下兄歸讀之。自理會出來。師又
問予曰：吾聞蔡子常妬汝。今信之。請言其法。予曰：吐
本寒邪。當用理中湯。熱藥以止之。內寒已甚。格拒其
陽。故熱藥入喉。被寒所拒。不得入也。今膽汁之苦寒。
童便之鹹寒。下喉之後。兩寒相得。故不復吐。須臾之

間陰氣漸泄陽氣乃發此熱藥須冷服以主治格拒之寒以止嘔噦者是也。

宋理宗嘔吐不止名醫楊吉老治之問用何方曰辛熱藥也帝曰服之不效吉老奏曰熱藥冷服藥成放井中良久澄冷進服一啜而吐止即此法也師聞而喜之後以六君子湯作丸調之。

王少宰次子三個月病吐請醫治之藥乳不納予見其兒在乳母中以身伸弩上竄呃呃作聲有發驚之意乃取理中湯丸末子一分用猪膽汁童便各半匙調分三服初一次少停畧以乳喂一二口即止又進

一次又乳之。其兒醒一覺。醒則嘔止不伸努。不呃呃。作聲矣。予以是法教諸子。止渴活人甚多。乃良法也。英山鄭孔韶一女。辛丑三月患嘔吐。請予往視。其證乃傷食吐乳也。家人云。無乃用理中湯去耳。草加丁香。藿香不効。又作膽汁童便法。亦不効。四日後吐出飯半碗。予謂家人曰。此女數日不食。何有此完飯也。吾言傷食。汝因曰。無勞吾心力。不得見効。遂取脾積丸投之。取下惡糞如靛。詢之果五日。前外翁王宅歸比。懷鵝子黃色。愛也。所吐出之飯。即所食之飯也。壅塞腸胃。格拒飲食。所以作吐下之即愈。

予思小兒嘔噦不止多是肝膽二經之病故仲景猪
膽人溺白通方在厥陰病中
新製一方止嘔吐不止之病

吳茱萸

黃連各等分

石用向東壁土一塊杵碎用藥放在銚中炒焦入
水煎一二沸澄清服之

凡治小兒嘔吐止後不可便與乳其吐復作非醫之
咎也吐後多渴禁與湯水須使忍一時渴自止也若
與湯水轉渴轉吐不可止也大人同

有吐坑者胃寒甚也宜理中丸用烏梅與椒煎湯調

服神效

寒水石

二兩飛

半夏

炮七次七錢五分

白枯礬

五錢

右為末水糊為丸麻子大姜湯下此家傳十三方也

因於寒者食久則吐其乳不化宜理中湯加藿香砂仁主之。因於熱者食入則吐其乳成片宜理中湯加黃連竹茹主之。因於食積者吐出酸酸氣味惡食宜養脾消積丸甚者丁香脾積丸主之。吐止後胃於丸主之。因於承者吐多清水腹痛多啼宜理中湯如木香枳榔丸主之。嘔吐藥食不得入者此胃中

有寒。陰盛格陽也。宜理中湯入童便猪膽汁主之。

一兒初生即吐。醫欲用錢氏木瓜丸。予阻之曰。不可。小兒初生胃氣甚微。初飲乳或有乳多遇飽而吐者。當令乳母緩緩與之。或因浴時客寒犯胃而吐者。當取其乳汁一杯。用姜葱同煎少與服之。或因惡露滯水停在腹中而吐者。宜以炙甘草煎湯而吐去之。如何敢用木瓜丸以鐵粉。兵即之劑。重犯其胃中。初生中和之氣耶。故常語人曰。錢氏小兒方。非先生親筆。乃門人附會說也。

一兒自滿月後常吐乳。父母憂之。諸醫不能止。一日

問予予曰嘔吐者非常有之病也。今常吐乳非病也。然孩兒賴乳以生。頻吐乳者非所宜也。恐傷氣不可不求其故。有母氣壯乳多者。唯恐兒飢。縱兒飽足飽則傷胃。所食之乳湧而出。此名溢乳。如瓶之注水滿而溢也。宜損節之。更服肥兒丸。兒之初生筋骨軟弱。為乳母者常懷抱護持可也。不然則左右傾側其乳流出。此名碗乳。如餅之側其水流出也。能緊護持則不吐也。有胃弱者不能受乳而變化之無時吐出。所吐不多。此名哺露。如餅之漏不能容受也。當補其脾胃助其變化可也。亦以肥兒丸主治。

泄瀉 泄瀉有三寒熱積也

寒瀉者不渴宜理中丸主之

熱瀉者有渴宜五苓散調六一散主之

積瀉者面黃所下酸臭食也宜丁香脾積丸下之積

不去瀉不止也

三稜 煨

莪術 煨

良姜 醋煮

青皮 去白醋煮

各五分

丁香 去蒂三分 錢五分

木香

牙皂

石草霜 錢三

巴豆霜 錢二分 五分

右為末醋麵糊丸麻子大隨人加減迴源湯送服

物亦可

胡三溪子病瀉不止。三溪自與耳大用同醫。皆吾所傳也。不効。其兄元溪云。今有璞玉於此。雖萬鏹必使玉人雕琢之。今子病何不請密齋爾與耳。子能治之乎。時吾在英山。此子原結拜我。吾聞之。即歸。問其所用之方。皆不對證。觀其外候。面色黃。所下酸臭。此積瀉宜下之。積去瀉斯止矣。乃取丁香脾積丸一服。而安。其父問云。吾聞溫多成五瀉。未聞明為積瀉也。予曰。難經有云。所為大瘕瀉者是也。溫成五瀉者。有內因者。有外因者。有不內外因者。如因於風者。水谷不分。謂之飧泄。因於熱者。水谷果泄。謂之洞泄。因於寒

者水谷不化謂之滯瀉因於濕者水谷稠黍謂之瀉
瀉此四瀉者外因之病濕自外生者也因於積者膿
血交雜腸鳴腹痛所下腥臭謂之瘕瀉瘕者宿食積
滯之名乃食癥也此內因之病濕自内生者也有不
內外因者乃誤下之病有挾熱挾寒之分所謂腸垢
驚滯者是也又問脾積丸乃取下之劑何以能止瀉
也曰胃者水穀之海腸者水穀流行之道路也泄瀉
者腸胃之病也腸胃無邪則水穀變化便溺流行是
為無病兒矣今有宿食不化陳腐之物菴積於腸胃
之中變為泄瀉如源泉之水停積於中流出於外苟

不迴其源而出之則泄痢終不止也故以脾積丸去其陳腐此按本塞源之法按本草云巴豆末泄能令人泄已泄能令人止脾積丸之治積泄祖訓當遵守也余教諸子治泄瀉始終三法初用理中丸一服不止次用五苓散一二服分利不止三用白朮散服之良又不止用參苓白朮散調理未有不效再不止用參苓白朮散二分荳蔻一分發揮云難經五瀉之論甚詳予論大腸瀉小腸瀉大瘕瀉則易明予論脾瀉腎瀉則難分曉也且腑者府也謂水穀所藏之府有所受則有所出臟者藏也乃

魂魄神志意所藏之舍無有所受豈有所出哉其脾
瀉者即胃瀉也謂脾不能約束其胃胃不能藏而瀉
也故瀉有屬脾者有屬腎者但自胃來者水穀注下
而多自脾來者則成黃糜瀉無度而少也觀仲景傷
寒論中大便秘不通者用脾約丸其易明矣腎亦臟也
謂之腎瀉者腎開竅於二陰為閉藏之主腎虛則不
能主閉藏而水穀自下且下焦如瀆有所受則有所
出也但瀉不同難經云其瀉下重者即腎瀉也觀東
垣先生脾胃論補中益氣湯方凡大便秘實者加當
歸身紅花芎藭貢者即下重當歸紅花以潤血益腎惡

燥故用二物以潤之腎瀉亦與大瘕瀉同瀉者痢也
乃積滯之物故痢曰滯下况痢則腹痛有腸鳴有裏
急有赤白若腎瀉則便時畧难却無裏急后重之證
故云痢則下重也古人立方治腎瀉者有用破故紙
者補其腎也有用吳茱萸者補其肝也皆苦以堅之
辛以潤之之法今吾立方治脾瀉者只用參苓白朮
丸治腎瀉者只用六味地黃丸加破故紙甚効
胃瀉大腸泄小腸泄三者不同蓋自胃來者水穀注
下而不分所下者皆完谷也此從寒治理中丸主之
自小腸來者亦水穀注下而不分則成糟粕而非完

穀且小腸為受氣之府水穀到此已變化而未盡變化也治宜分別水穀以五苓散主之使水穀分利則瀉止矣自大腸來者則變化盡而成屎但不結聚而所下皆酸臭也宜用傷寒論中禹餘糧湯陳文中痘疹方中肉苳蔻丸主之此瀉可以去滑之法也

叔和云濕多五瀉此本內經濕勝則濡瀉之論所謂五瀉則與難經之論不同素問以臟腑分五瀉叔和以風寒濕熱食分五瀉如泄時有發熱惡寒水穀不分有此風濕證也謂飧泄經云春傷于風夏生飧泄者是也宜小建中湯加防風主之若兼濃血者胃風

湯主之如瀉時有腹痛或吐或不吐所瀉者多完穀未化此寒濕證也宜理中湯主之如瀉時有腹痛或痛或不痛所下亦有完穀而未盡化者此邪熱不殺穀也有成糟粕者皆屬執濕以傷寒論中猪苓湯主之寒濕熱濕宜詳辨之屬寒者不渴屬熱者渴也如瀉時水穀混下小便少而大便多者此濕瀉也有澶瀉無度者此久濕也並宜五苓散主之如瀉時有腹痛腹鳴之證惡食所下酸臭之物此因宿食停滯於中而成濕此食化為濕也宜下之積去泄自止也丁香脾積丸主之

泄瀉二字亦當辨之。泄者謂水穀之物泄出也。瀉者謂腸胃之氣下陷也。

猪苓湯

猪苓

澤瀉

阿膠

滑石

茯苓

錢各

水煎

春月得之名傷風。其證發熱而渴。小便短少。宜先清熱。後補脾。清熱藜苓湯。補脾白朮散。夏至後得之瀉者。有寒有熱。渴欲飲水者。熱瀉也。先服五苓散。以清暑止渴。後服白朮散。以補脾。如不渴者。寒瀉也。先服理中丸。以溫中補脾。後服五苓散。以清暑。此祖傳之妙也。

夏月水瀉其詳有在因五邪之氣所生病條內有案
秋月得之傷濕瀉也其證體重所下溏糞謂之濡瀉
宜參濕補脾利小便胃苓湯主之或升麻除濕湯
冬月得之傷寒瀉也其證腹痛所下清水宜溫理中
丸或理中湯加熟附子少許主之不止宜薑薤丸
四時之中有積瀉者面黃善腫腹中時痛所下酸臭
者是也宜先去積后調脾胃去積丁香脾積丸調理
脾胃苓丸

治瀉大法不問寒熱先服理中丸理中者理中氣也
治濕不利小便非其治也五苓散主之更不止胃氣

下顛也補中益氣湯清氣上升則不瀉矣又不止者此滑瀉也宜澀之荳蔻丸主之此祖傳之秘法也
兒泄瀉依法治之不効者脾胃已衰不能轉運藥性以施變化只以補脾為主脾胃既健藥自効也白朮散主之常與無間此予先父之秘受也

久瀉不止津液消耗脾胃倒敗下之救亡必成慢驚所謂脾虛則吐瀉生風者是也故應補脾胃於將衰之先宜用白朮散補之補之不効宜用調元湯加建中湯急救否則慢風已成雖使仲陽復生不可為也詳見慢驚內小兒泄瀉大瀉不止者勿與湯水飲之

水入則愈加渴而病益甚宜生脾胃之津液白朮散主之

久瀉不止發熱者此津液不足乃虛熱也勿投以涼

藥反耗津液宜白朮散主之如熱更甚黃連丸主之

白朮散 治小兒泄瀉煩渴者四君子加朮香

藿香 各等分 葛根 加一倍 名七味白朮散

右作大劑水煎常服以代湯水

黃連丸 治久瀉發熱此虛熱也

黃連 乾蟾各二錢 木香錢一 使君子錢一

蘆薈 夜明砂各七分

右為末山藥研粉水糊丸麻子大米水下

升麻除濕湯 治風濕作瀉自下而上者引而竭之

加脾胃甚弱不思飲食腸鳴腹痛泄瀉無度小便赤

澀四肢困倦 升麻 柴胡 防風

神曲 澤瀉 猪苓各五分 蒼朮一錢

陳皮 甘草炙 麥蘖各三分

為末水煎熱服

王露散 治傷熱瀉黃方見 與五苓散合和勻名

桂苓耳露飲治熱瀉此予心得之妙

一兒有病一日夜三五行或瀉或止連年不愈此脾

瀉也胃苓丸加人參主之

乃中氣軍六之二

一兒魚病時值盛夏醫以天水散與之謂其能解暑
毒也服後暴瀉醫悔用作理中湯連進三劑瀉變痢
疾日夜無度膿血相雜見益困頓皮燥無汗髮聚成
穗請予治之予曰挾熱而痢者其腸必垢瀉久不止
則成痺瀉此兒初瀉本時行之病非干天水散也醫
當用天水散調五苓散服之可也反以理中湯熱劑
投之遂成挾熱腸垢之病皮燥髮穗者表有熱甚也
下痢窘迫者裏有熱甚也表裏俱熱津液亦衰事急
矣因製一方用

黃連

乾蟾

錢

木香

青皮

白茯苓

當歸身

訶子肉

各一分

共為末粟米粉作糊為丸每服三十丸炒陳米湯下十日後滿頭出小瘡身上發癩如粟熟平瘡止而愈噫此子非吾無生矣

一兒病瀉大渴不止醫以五苓散玉露散皆不効病益困腮研唇紅予見之曰不可治也泄瀉大渴者水去穀少津液不足故也法常用白朮散補其津液可也乃服五苓散玉露散滲利之劑靈亡津液脾胃轉虛訣云大渴不止止而不渴者死泄瀉不止精神好者死父母不信三日後發搐而死

壬子經魁萬賓蘭石泉翁之伯子也翁得子晚始生
賓蘭爰如珠玉周歲得水瀉一日夜十餘行翁善醫
自作理中湯訶子肉豈龍與之不効乃急請予至叙
其用藥不効予曰正理論云理中者理中氣也治泄
不利小便非其治也遂用五苓散去桂加甘草一服
瀉止三日後遍身發出赤斑石泉懼予曰無妨活人
書云傷寒病下之太早熱氣乘虛入胃發斑今夏月
熱盛之時瀉久裏虛熱氣乘虛而入且多服理中辛
甘之劑熱晉胃中今發赤斑熱自裏而出於表也宜
作化斑湯必易愈翁曰石膏性寒非瀉所宜曰有是

病則疑是藥在夏月白虎猶宜用也一服而斑沒熱退

本將大尹宋雲閣公子病泄十日不止。衆醫或用理中五苓益元白朮散等皆不効。瀉渴益甚。公函召余至。視其外候。啓曰渴太甚。當先止渴。公曰當先止瀉。余曰病本濕熱。水穀不分。更飲水多則濕傷脾胃。水積腸胃。所瀉之水乃所飲之水也。故當先止其渴。渴止瀉亦止矣。公曰當用何方。曰白朮散。尹曰已服過多。余曰用之不同也。尹曰用之不同別法乎。余曰本方在常與服之。此常字便是法也。蓋白朮散乃治瀉

作渴之神方。此方有二法。人參白朮茯苓甘草藿香
六味各一錢。葛根倍二錢。若泄瀉久不止。胃中津液
下隔也。故葛根倍用之。以升胃中之津液。此一法也。
今人不知信用之法。與六味等分同故効少也。兒病
渴者。湯水不離。今人不知常服之法。其以藥常代湯
飲之也。故所用之方。雖是所用之法。不同。藥劑少而
湯水過多。藥少湯多。猶以一杯之水救一車薪之火。
水不勝火。如何有効。當作大劑煎湯。以代湯水飲之。
渴只飲本方。一切湯水禁之。勿與。則胃氣上升。津液
自生。渴瀉止矣。尹聞而是之。果一劑治矣。不問泄瀉。

痢疾並宜服此多多益善。不唯泄瀉可止亦不至脾
虛生風也。真神妙方也。謹詳述之。

公子脾胃素弱常傷食。一醫枳朮丸保和丸其意常
用枳朮丸補脾。至傷食則服保和丸不効。公以問余。
余曰此法固好但專用枳朮丸則無消導之藥初不
能制其飲食之傷專服保和丸則脾胃之虛不能勝
其消導而反損中和之氣。當立一方七分補養三分
消導則脾胃自強不能再傷矣。公曰甚善。汝作一方
來看。余乃製用人參白朮青皮陳皮片草朮香宿砂
仁山藥蓮肉使君子神曲麥芽為末荷葉煨飯搗爛。

為丸。米飲送下之。曰養脾消食肥兒丸。服後精采頓
異。飲食無傷。公益喜。錄其方。常久用之。親書儒醫二
字。作扁鵲之。

庠生胡逸泉東郊翁之伯子也。周歲時得水泄。先請
醫耳。大用治之。不效。復請予至。視之。則肌肉消削。面
色恍白。時盛夏。凝汗不潤。皮膚乾燥。髮髻所下。頻併
畧帶後重。此氣血俱虛也。按治法之。補中氣。利小便。
升舉其陽。固澀其滑。次第調之。累無寸效。或曰何如。
予曰。術將窮矣。唯有一法。未用耳。乃作癖瀉治之。用
人參白朮白茯苓甘草陳皮山藥當歸蓮肉砂仁訶

子肉。昔菴黃連木香乾蟾為末。神曲糊丸。煎四君子湯下。服未二日。膚潤有微汗。再一日。頭上見出紅瘡。小便漸多。五日而瀉止。后更以參苓白朮散作丸服之。調理而安。

汪望峯長子城南生一子。寄姊夫南河胡家養。南河嘗語人曰。萬老先生好小兒科。今子全作聰明兒。有病可請張袒兄醫之。乃先生親傳。予亦與人會藥。不執方合宜。而用吾之活人多矣。誠舉其一二驗者。實之城南一子。病瀉十餘日不止。一向是張用藥。以胃苓丸一粒丹服之。皆無効。請予治之。望峯知其故。恐

予不肯用心取白金二兩作利市予嘆曰不在利市
只在信我也我之治病敢作聰明皆先人之舊方顧
用之不同耳蓋治大病以重劑治小病以輕劑彼胃
苓丸一粒丹豈治此重哉乃取荳蔻丸五十胃苓丸
五十陳倉米煎湯下南河云只此一劑而止不再下
也南河初不聽泄止大悟曰良工不示以朴信乎
湖廣右布政孫小姐五月病泄至七月猶未止諸醫
治之皆不効差人召余余往至見其大渴乃知津液
不足也不止其渴瀉亦不止熱亦不除也公問余曰
數日可安曰三日止渴五日止瀉十日熱退計十八

日可安公曰病久矣一月而安幸也乃進白朮散作
大劑以代湯頃更飲盡予見其渴甚再加製過天花
粉二劑其夜渴止瀉亦微止次日又進一劑渴瀉俱
止三日熱亦漸退四日公又問余曰小姐病未安奈
何余告曰初來時曾許三日止渴五日止瀉十日退
熱今日來五日渴瀉俱止熱亦漸退耕當問叢穢當
問女小姐貴體余以身任之唯足下寬量數日可也
公稱謝可用白朮散減乾葛加陳皮調治半月而安
公大喜給劄付冠帶儒醫扁白金一十兩此萬曆元
年九月初四日也本縣大尹唐百峯行之

痢疾

痢不問赤白皆從積治濕熱者食積之所主也痢初得之其法宜下積不去痢不止也如吐泄後痢者其積已下不可再下復傷胃氣可下者木香導滯丸主之不可下宜去積保和丸主之

陳皮

錢五

枳殼

炒三錢

黃連

姜汁炒五錢

神曲

山楂肉

麥蘖

各三錢

萊服子

炒三錢

檳榔

錢三

右為末水糊丸麻子大白湯下

木香導滯丸

枳實

炒

厚朴

姜汁炒

檳榔

各五錢

黃連

黃芩

黃蘗

大黃

各七錢半

木香二分五厘 黑牽牛半生半炒取頭末二分半

右為末酒糊丸小豆大白湯下

祖傳只用黃連丸

黃連一兩半剉用吳茱萸半兩水拌溫同

不用 木香錢五

石蓮肉錢一

右為末酒糊丸麻子大陳倉米煎湯下此家傳十

三方也

予教諸子治痢只用保和丸香連丸同服萬無一失
即陽撫治都御史孫小姐自五月病痢至七月未愈
先荆裴承差取鄧陽醫官治之不効遣承差王加宜
取予予往病亟矣至用人參白茯苓甘草當歸白芍

黃芩車前子陳皮各等分炒乾姜少許煎服畧差五
日大安公晚似問問余云諸醫皆用木香黃連今按
不用所用皆非治痢之藥而効者何也余曰此乃河
間黃連芍藥湯方也所謂調其氣則後重除養其血
而痢止之法也台云小女前年在湖廣病泄今年在
比病痢膏五六月間幸遇汝之良而安然小女之遇
汝爾之遇我非偶然余叩首謝

本縣祝道士長子七歲病痢半年不愈求予治之予
與一方用人參白朮茯苓甘草陳皮山藥黃芪桔梗
木香黃連柯子肉苁蓉車前子乾姜炒澤瀉神曲當

歸家時自為末水麵丸米飲下一月安名和中丸
一友十歲患痢久不止脉洪數或曰下痢脉宜小今
脉洪數恐難治予曰無妨玉亟經曰欲識童男并童
女穴在寸關并尺裡自然緊數甚分明都緣未散精
華氣此童女脉宜如是胃氣當強不久自愈果數日
痢漸止

本縣張大丑有公子半歲病赤白痢甚苦用黃連一
錢木香五分石蓮肉五分陳皮七分乾姜炒二分為
末神曲丸黍米大陳米飲下

痢疾渴者七味白朮散去乾葛加炒乾姜黃連阿膠
切斗發軍卷之下

烏梅主之

痢苦噤口者宜參苓白朮散加蒼朮蒲為末陳米湯下

痢疾脫肛者只止其痢痢止肛自不下矣

瀉後變痢後重者胃氣之下陷也赤白者腸垢之下溜也水穀盡而腸胃敗故死

痢後變瀉後重止者濕熱之氣去也赤白止者陳腐之物盡也腸胃通而水穀行故生也

凡下痢鮮血者黑如屋漏水者氣促者大吼如竹筒者嘔噦不食者足跖腫者身熱脉大者渴欲飲水者

只大渴者面嬌面青者皆死証也

初病痢者腹中急痛大便窘迫小便赤澀身熱飲水
宜急下之輕者三黃枳朮丸重者木香枳榔丸去其
陳垢其痢自止此時邪氣未動正氣未傷故宜下之
若喜補惡攻使邪氣日強正氣日弱不下之則積熱
不除下之則脾胃俱弱釀成大病醫之過也

初病泄瀉變漸痢者此時宿垢已去不可再下如有
腹痛裏急後重之証乃未盡之餘邪也宜去積止痢
去積保和去滯丸止痢香連丸

痢久不止者名休息痢家傳和中丸

或問赤痢為熱白痢為寒何如曰原病式論之詳矣
痢下赤白皆濕熱也赤者自小腸來小腸者心之腑
心屬火故其色赤白者自大腸來大腸者肺之腑也
肺屬金故其色白赤者屬熱白者屬濕濕亦熱也經
云濕盛而熱也若初痢下鮮血者非赤也此風熱之
毒宜剪紅丸主之如痢下瘀血或如豆汁者此濕氣
下血也宜胃風湯主之

或問河間云行氣則後重除養血則痢止此千古不
易之法也今幼科治痢之方不用其法何也曰痢者
素云腸澼難云大瘕泄古云滯下腸澼者因於飽食

也犬痕泄者食積也滯下者積滯之物下出也故云
無積不成痢治法以攻積為先務也積不去則氣不
行去積所以行其氣而不裏急后重也熱則傷血痢
久則傷血去熱止泄所以養其血也法雖不同意則
合也

或問丹溪云先瀉後痢者脾傳腎也難治先痢後
瀉者腎傳脾也易治何以言之曰脾主濕濕勝則
瀉瀉瀉者脾之病也瀉久不止又變成痢痢下後重
腎病也如痢并真痢也改後重者胃氣之下陷也膿
血者陽垢之下溜也真氣敗而穀氣絕是謂難治腎

幼科醫案卷之下
惡濕小兒以吐濕地則傷腎裏急後重便膿血者腎
之病也痢以不止忽變成瀉濕去而脾病在也故裏
不急痛者濕熱之毒除也便無膿血者陳莖之穢盡
也腸胃通而水穀行故易治

或問痢疾身涼脉靜者生身熱脉燥者死其然乎曰
初病時邪氣方盛身熱脉躁者多不可呼為死證也
邪氣盛則實可急下之邪去脉自衰身自涼也痢以
而身熱脉燥則不可治也脉靜身涼久痢之後真氣
已虛之脉也身宜溫不可太涼脉宜靜不可太弱經
云瀉痢五虛者死脉細一也皮寒二也少氣三也泄

痢不止四也飲食不入五也此脉靜身涼之旨不可執着也

痢久不能食或有食入即吐者名噤口痢即經所謂五虛者死古方雖多無甚効者大抵瀉痢日久津液已竭脾胃虛弱不能食也宜以補脾為主白朮散去乾葛加炒乾姜主之能食者生矣不能食者死

痢从脫肛者氣血虛也素云下陷者虛也難云出者為虛古方多用澁劑如蛭皮木賊之類此治其標也當用河間行氣養血之法痢止后重除肛腸自不脫出矣加減八珍丸主之

有痢下赤白青黑者名野鷄痢用阿膠梅連丸主之

有痢兩膝腫大者名曰鶴膝風加味地黃丸主之

保和去滯丸 治痢疾有積胃弱不可重下

陳皮錢五 半夏曲 白茯苓 枳實炒

厚朴姜汁炒 檳榔各五錢 萊服子炒二錢半 木香

右為末神曲糊丸麻子大陳米湯下

三黃枳朴丸 治濕熱成痢并有食積者

黃連 黃芩 黃蘗皆酒炒 大黃酒煨

枳實炒 厚朴姜汁炒 檳榔各二錢

右為末酒糊丸麻子大姜湯下

胃風湯 八物湯去地黃甘草加桂等分入粟米同煎本方去桂加連等分吳茱萸減半同炒為末酒糊丸可治遠近血痢

阿膠梅連丸 治痢無分久新赤白青黑疼痛證

阿膠革灰炒 赤茯苓 烏梅去核炒 赤芍

黃蘗炒 黃連炒 乾姜炒 當歸各等分

右為末入阿膠和勻水丸昧子大陳水飲下

家傳和中丸 專治休息痢

人參 甘草 當歸身 川芎

車前子炒 猪苓 澤瀉 神曲

黃連

錢

各三

麥蘖麩

柯子

石連子

乾姜

炮

肉苳菴

煨

木香

各三錢

白茯苓

白朮

白芍

陳皮

錢三

石為末酒糊丸麻子大陳米飲下

加味地黃丸

治痢後鶴膝風

地黃丸加牛膝虎

脛骨酥炙白茯苓共為末蜜丸服

加減八部丸

治久痢脫肛

八物湯去川芎白朮

加黃連

阿膠

土炒各三分

木香

二錢半

右共為末水丸麻子大炒米湯下多服佳

剪紅丸

治痢血神効

當歸身

黃連

柳角子炒

側柏葉炒

荊芥穗

枳壳

炒各等分

右為末酒煮麪糊丸麻子大陳米湯下

瘡

瘡疾不問新舊並宜服平瘡養脾丸此

家傳秘方

治有三方

初起

中和

未補

初治法

初起有外因者不問風寒暑濕之邪並宜

香蘇散加紫蘇香附陳皮甘草外加常山枳榔烏梅

於發日五更時服得吐為善蓋吐中即有發散之義

不復作矣有內因飲食不化積而成痰痰變為瘡宜

平胃散蒼朮陳皮厚朴甘草加常山烏梅枳榔臨發

日五更服或吐或下痰積悉除不復作矣有不內不
外因者客忤中惡夢寐顛倒成瘡者此邪瘡也宜四
聖丸加家傳斬鬼冊主之人身榮衛之氣晝則行陽
二十五度夜則行陰二十五度故瘡之晝發者邪在
陽分易治宜用前法截之夜發者不可截也宜桂枝
湯桂枝芍藥甘草加當歸生地黃桃仁發出血中之
邪自己不已者必須提至陽分然後截也升提宜柴
胡四物湯加升麻葛根截宜柴胡湯加常山枳實烏
梅主之

中治法

邪氣漸強正氣漸衰宜以養正去邪和解

為主柴苓湯主之此和解之聖方也服三劑後加常
山烏梅以去其邪二補一攻常與調理以瘧為度
如有熱多寒少宜用柴胡白虎湯寒多熱少者柴胡
桂枝湯主之二劑之後間截藥一劑熱多者用常山
知母草薢檳榔各一錢寒多者用常山錢半丁香五
分烏梅一個為劑各用酒一盞浸一夕發日五更服
如神

未治法

瘧久不退謂之瘵瘵

老瘵也

邪氣未盡正氣

已衰專以養正為主使正氣復邪氣自盡也十全大
補湯加陳皮半夏柴胡主之食少者去地黃加神曲

有瘡母者本方加青皮神曲九肋鱉甲醋服

小兒瘡久不退腹中或左或右有塊者此名瘡母即
癖也瘡後有此經年不愈常為潮熱其狀似瘡面黃
腹大乃其候也宜消去之祖方用月胝丸今予立消
癖丸 小兒久瘡成癖勞者集聖丸主之

瘡後浮腫者胃苓丸主之 瘡後與泄痢並作者宜
柴苓加枳櫛烏梅主之蓋小柴胡湯治瘡五苓散治
瀉痢枳櫛烏梅痢瘡必用之藥也

平瘡養脾丸此吾家傳治瘡之神方也

人參

白朮

白茯苓

甘草

當歸

川芎

陳皮

半夏曲

蒼朮

水浸

厚朴

姜汁炒

柴胡

黃芩

猪苓

澤瀉

草薢

常山

青皮

辣桂

九肋鱉甲

酥炙各等分

右一十九味共研末於五月五日及三元八節天

月德要安晉護福生除開破日脩合酒者曲糊九

麻子大陳米湯下

消癖丸 專治瘧母食痰痰癖五飲成癖並治

三稜

即魚形

莪朮

各醋浸

陳皮

枳殼

炒

厚朴

姜汁炒

山茱萸

使君子

夜明砂

炒

黃連炒

木香

乾姜

炒各二兩

海藻

洗淨半兩

神曲

麥蘖

半夏曲

二錢

乾蟾

炙

九助蟹甲

醋炒各三錢

右為末酒煮麵糊丸麻子大米飲下

家傳斬鬼丹

截瘡神効

黃丹研

獨頭大蒜

研爛如泥

右於五月五日午時至誠修合用蒜泥和

丹同杵毀手為丸隨人大小發日五更取長流面

東下

四聖丸

治瘡有効

穿山甲

去筋膜兩半灰炒

鷄骨常山

烏梅

去核焙

枳椇

各一兩

右為未糯米糊丸隨人大小黃丹為衣每服一十五丸至三十丸臨發日五更面東溫酒送下

柴胡桂枝湯

治瘧疾寒多熱少者

小柴胡湯

柴胡二錢五分黃芩半夏一錢人參錢半甘草五分合桂枝湯桂枝芍藥耳草加括萎根牡蠣乾姜炮姜朮同煎

柴胡白虎湯

治熱多寒少者

小柴胡湯合白虎

湯

石膏五

知母二

甘草一

大梗米生薑煎

一兒歲半病瘧二日一發久不愈其兒黃瘦面浮腹

脹予用平瘡養脾丸治之愈

一兒病瘡醫以柴苓湯按之調理二三日不効予用平瘡養脾丸治之効

一兒病瘡醫用截藥內有砒丹三截之遂成痔瘡其父悵恨前藥之悞也予用平瘡養脾丸治瘡集聖丸治痔調理一月而愈

一女先驚後瘡瘡久成痔予用集聖丸調理一月而安

一兒先瘡後驚予用調元湯琥珀龍九治之安
一兒病瘡一日一發予用家傳斬血丹截之止三日

後又發再截之凡三截俱三四日又發其父怪問之
時六七月寒熱予疑其必發生瘡故止而復發也問
之果然乃禁之先用胃苓丸調理三日更以斬鬼丹
截之遂愈

汪南汀季子七歲病瘡三年諸醫治之無効乃請予
治之予視其外候而色黃白山根帶青腹大而堅曰
此久瘡成癖瘕在潮熱常與補脾消癖瘡熱自除恨
無丸筋鱉甲耳南汀求得之因製一方用人參白朮
陳皮青皮三稜莪朮木香砂仁當歸川芎黃連柴胡
鱉甲為末神助糊丸炒米煎水日三服調理五十餘

日安

陸沉巷李宅一女七歲戊戌秋先患外感後變瘧因
用截藥變作痢至冬痢雖止瘡益甚請予往視其外
候大骨高起大肉陷下髮稀目陷面黃鼻燥不思飲
食唯啖蓮肉乃肉傷脾虛痺癆證也時有江西醫人
萬鼎在彼謂不可治予曰無慮吾能治之至春必愈
用集聖丸一料次年二月果安

一兒病瘧間日一發予依祖訓當用胃苓丸補之發
日以斬鬼丹截之調理半月以漸平復適有麻城丁
醫至見兒未大好謂其父曰我秘方只一劑而愈其

父惑之不知其所用者何方也將進一劑唐即大作
矣更甚於前予笑其醫云只用秘方令吾前功盡廢
又勞調理也其父悔且怨醫辭去了予調理一月愈
一兒久瘡成癰因癰生熱或三五月一發熱則十餘
日不止常在甲酉時但不寒顫又微惡寒即發熱熱
亦不甚發過不渴不頭痛予用消癰丸平瘡養脾丸
相間服之半年而愈

一兒瘡後腹脹用加減塌氣丸服之愈

疳

疳證此小兒科之極病也雖有五臟之不同其實皆

脾胃之病也。幼科書論諸疳頭緒太多，法無經驗，無可取者，唯錢氏分肥瘦冷熱四者，庶為近理。而以物病者為肥，熱疳久病者為瘦，冷疳似有虛實之分，不知疳為虛證，曾有實者乎？至於治瘦冷疳，方上有續隨子，未免虛實之失。故予嘗曰：錢氏方論非先生之親筆，乃門人附會之說也。今乃推先生之意以補之，曰：兒太飽則傷胃，太飢則傷脾。肥熱疳其食多，太飽之病乎？瘦冷疳其食少，太飢之病乎？如審其食少者，肥兒丸食多者，集聖丸主之。

小兒乳少者，父母嘗以他物飼之。兒之性只求一飽，

或食太多或食太少所以脾胃受傷生此疳病也
漸水陸沉巷李廣之妻程希南之女也新寡止有一
女幼病瘡又病痢瘦發熱少食日啖蓮肉五六枚請
予徃治之予與集聖丸時有江西一醫萬問在彼曰
難治常問予運氣之說予詳教之彼本不知唯唯耳
予謂問曰明年二三月來看此女之長大也次年三
月丰其母在程氏宅請予謝之命其女拜云小女服
後一日改變一日非昔日比也

庠生王閑一子周歲因食猪肉受傷肢體瘦削使人
來藥予問其詳乃食積疳似有餘取脾積丸五粒與

之教以猪肉湯吞下果下一塊如小指頭大涎沫夾
暴其子頻妄

集聖丸 治痺通用 丹溪心法黃連乾塘三錢

除味皆二錢

黃連

乾塘 存

青皮

陳皮

義木

使君子

砂仁 各一錢

蘆薈

夜明砂

五靈脂 二

錢三

歸身

齊薊

川芎 各三錢

木香

五錢

集聖三錢 君子乾

蟾連

與前

平二錢

義木

香

青

汁粟米丸 飲吞

脾弱

肥兒

丸 益為未

粟米

粉

餅

王三季長子患痺痺請予治之見之曰此乳少病也

父曰乳極多予即辭退歸謂其友胡三溪云主子病
疳乃乳少也彼云乳多不聽吾言今成疳矣特胡會
川在座聞言而退後三溪云病者會川之婿聞兄之
言不說而歸予曰非也必往邀三峯兄同來也少頃
果同至三峯自訴云我南監坐監時一子病疳死今
此子病我心甚慮今特來登問此兒計個乳母養有
乳無乳實不知也今夜歸家看子細明日來報果無
乳也日則嚼飯喂夜則一壺冷米湯灌之奈何予曰
不易乳母治之無功易之則兒慮其乳母之愛母依
其兒衣食之計請權擇乳母佐之晝則抱之夜則乳

之自然日久情熱事兩全矣乃作肥兒丸一料服之
兩月而安

肥兒丸

人參

白朮

白茯苓

炙甘草

陳皮

青皮

山藥

蓮肉

當歸

川芎

使君子

為末神曲糊丸來飲下

胡鳳崖子病癖但多食則腹痛請予治之予曰人以
穀為本穀入作痛豈新穀作痛乎必有舊穀為積夫
能消去故新穀相持也豈有絕穀食之理乃作養理
消積丸服之安

胃苓丸

錢氏異攻散

即四君子湯加陳皮

加木香

青皮

砂仁

使君子

枳實枝

黃連枝

右共為末神曲糊丸米飲下

痘

痘有二證

有因天地溫熱之氣而發之者

有因

水穀之溫熱而發之者

小兒之病多因溫熱食積

與大人不同宜茵陳胃苓丸主之

胃苓丸

末一兩五錢

煨勻神曲糊丸燈心煎湯下

小兒十四歲病疸面目

黃連

黃蘗

枝子仁

茵陳

猪苓

澤瀉

枳實

厚朴 各一各 大黃 一錢

右為末神曲糊丸陳米湯下初服二日吐宿冷黃
水二三碗又二日利三行五日退

調理脾胃

人以脾胃為本所當調理小兒脾常不足尤不可不
調理也調理之法不專在醫唯調乳母節飲食慎醫
藥使脾胃無傷則根本常固矣
脾喜溫而惡寒胃喜清而惡熱故用藥者偏寒則傷

脾偏熱則傷胃也製方之法宜五味相濟四氣俱備可也故積溫則成熱積涼則成寒偏熱偏寒食也食多則飽飽傷胃食少則飢飢傷脾故調脾胃宜節於食適寒溫也今之調脾胃者不知中和之道偏之為害喜補而惡攻害於攻者大害於補者豈小小哉况有少食而易飽者此胃之不受脾之不能消也宜益胃之陽養脾之陰宜錢氏異攻散合小建中湯主之

人參

白朮

茯苓

炙甘草

陳皮

白芍

當歸

桂皮 各等分

木香

砂仁

各減半

右為末神曲糊丸麻子大米飲下

兒有多食而易飢此脾胃之邪熱甚也宜瀉脾胃之

大三黃枳實丸主之

枳實

白朮

黃連

黃芩

大黃

煨各等分

右共為末神曲糊丸麻子大白湯下

平縣大丑朱雲閣公子常有脾胃病向是韓醫生調

治平時服養脾丸傷食服保和丸未有寧日一旦問

余云聞汝小兒甚精小官人脾胃久虛汝可治之余

曰當攻補兼用不可偏補偏攻韓醫云寒齋非所長

也如專補脾胃則飲食難化如專瀉導則中氣易耗

不聽曰改進一方來凡進養脾肥兒丸用

人參

白朮

甘草

陳皮

枳實

木香

茯苓

砂仁

山藥

蓮肉

麥芽

神曲

山查

青皮

共為末荷葉浸水煮熟米飯九麻子大米飲下脩
合服之大効再無脾胃之病尹猶相信賜扁

乳母者兒之所依為命者也如母壯則乳多而子肥
母弱則乳少而子瘠母安則子安母病則子病其于
係匪輕蓋乳者血所化也血者水穀之精氣所生也
幼科彙編卷之十

飲食入胃氣通於乳母食熱則乳亦熱母食冷則乳亦冷故見傷熱乳者則瀉黃色黃芩芍藥湯加黃連主之傷冷乳則瀉青色理中丸主之乳多者則絕之不爾令兒吐乳也乳少者宜調其乳母使乳常足不可令兒飢以他物餵之為害甚大調乳母宜加減四物湯猪蹄湯主之乳母忌酒熱生冷及一切辛熱之物常作猪蹄湯與之甚良乳母經閉經漏請醫治之恐乳少也

一小兒食肉早得脾胃病或泄痢腹大而堅肌肉消瘦也已成癖矣其母曰憂兒病虛深予見憫之乃製

二方人參黃芪蜜炙白茯苓白朮粉草當歸川芎以
清脾胃養氣血陳皮青皮半夏曲木香砂仁枳實厚
朴神曲麥蘖麴以消積二稜莪朮煨九肋鱉甲醋煮
以消癖黃乾膽燒灰存性使君子夜明砂以除癖熱
共二十三味礮末粟米糊丸麻子大每服二十五丸
炒米湯下調理而安

乳食兒之賴以養命者也養子歌云乳多終損胃食
壅即傷脾甚矣乳食之不可不節也難經云補其脾
者節其飲食適其寒溫誠調理脾胃之大法也蓋飽
則傷胃飢則傷脾熱則傷胃寒則傷脾今之養子者

穀肉菜菓順其自欲唯恐見之飢也兒不知節必至飽方足富貴之兒脾胃之病多傷飲食也貧賤之子無所嗜而脾胃中和之氣不損也傷之輕者損穀自愈傷之重者則消導之宜胃苓保和丸養脾消積丸主之傷之甚者則推去之審其所傷之物如傷熱食者宜三化丸三黃枳朮丸木香檳榔丸傷冷物宜三稜消積丸丁香脾積丸主之如脾胃素弱食少但過食則傷者補脾進食肥兒丸要藥也

一富家生子甚弱結義子在家公予重其義朝夕戒其乳母乳食不可太飽或老以爛粥而哺之其一

切四葉餅肥甘肥生食之物皆禁之或有小疾專以
補脾胃為主其子自幼至長亦無大疾今氣實力壯
飲食多而不傷寒暑不能侵南北奔走不為勞嘗語
人曰生我者父母也養我者萬家公也

一兒生二月忽昏睡不乳予以日計之昨慶蒸也視
有二乳母皆年少氣壯者其乳必多更代與之必傷
乳也戒以今日損之令饑一日自愈後宜絕之只用
一乳母可也次日果安父母如其教亦無傷食之病
醫藥者兒之所以保命者也無病之時不可服藥一
旦有病必請專門之良老成忠厚者辨証之粗工勿

信也。如有外感風寒，則發散之，不可過汗，亡其陽也。內傷飲食，則消導之，不可過下，亡其陰也。小兒易虛，易實，虛則補之，實則瀉之，藥必對證，中病勿過劑也。病有可攻者，急攻之，不可喜補，惡攻，以天兒命雖有可攻者，猶不可犯其胃氣也。小兒用藥，貴用和平，偏熱偏寒之劑，不可多服，如輕粉之去痰，硃砂之消積，礞黃之助陽，有毒之藥，皆宜遠之。故發散者宜惺惺，散消導者宜保和，九虛實補瀉按錢氏五臟補瀉之方，加減用之，誤服熱藥者宜大豆卷散主之，誤服寒藥者宜益胃散主之，汗下太過者宜黃芪建中湯主

之

小兒久病只以補脾胃為主補其正氣則病自愈宜
養脾九加所病之藥一二味在內服之

或問脾胃補瀉之味予曰天食人以五氣地食人以
五味五氣者寒熱溫涼平也五味者酸苦辛甘鹹也
氣為陽陽不足者補之以氣味為陰陰不足者補之
以味故肝屬木味以辛補酸瀉氣以溫補涼瀉心屬
火味以鹹補苦瀉氣以熱補寒瀉肺屬金味以酸補
辛瀉氣以涼補溫瀉腎屬水味以苦補鹹瀉氣以寒
補熱瀉是四臟者各屬一季味則逆之氣則從之以

補以瀉也。至於脾胃屬土，寄於四季，無定位，無從逆也。故於五味相濟，四季均平，以中和為主。補瀉亦無偏勝也。況脾喜溫而惡寒，胃喜清而惡熱。偏寒偏熱之氣，固不可以專用，而積溫成熱，積涼成寒。雖溫平涼平之藥，亦不可以群聚久服也。經云：治熱以寒，溫而行之；治寒以熱，涼而行之。斯為善矣。

一人自知醫生，一男謂小兒脾不足，作補丸主之。至於有疾，不肯請醫，亦自治之。予曰：小兒無病，不可服藥。古人所謂無病服藥，如壁中安柱，此言何謂也？五行之理，偏勝則害病，必請醫如耕當問農，織當問女。

之意也。醫不三世不服其藥，自非專門之術而病之虛實藥之良毒，吾恐必誤也。

一兒八歲，形氣甚弱，其父責令讀書。予見之，謂其父曰：「令郎形氣如常，懷保之不可一於嚴也。乃晉養脾丸肥兒丸與之調理半年，後病成疳矣。先請一老醫，不知幼科，謂之傷食，用一粒金丹服之，病乃劇。請予。」予曰：「前與養脾丸肥兒丸服盡乎？」曰：「未服也。」又問曰：「令服者何方也？」曰：「一粒金丹。」予辭曰：「不可治矣。」一粒金丹內有草烏巴豆大毒之藥，豈可常服者乎？此兒脾胃素弱，怯食少而瘦，故以肥兒丸調理，應服而不

服一粒金丹大傷犯胃氣此不應服而服傷之重傷
謂之虛死死在旦夕後果死

一庸醫狂悖藉父祖專門之名自稱得異人之傳妄
立方法變亂繩墨嘗語人曰吾能知人之臟腑有病
而云之知其所傷之物而取下之知其疾之順逆而
預解之言大而誣人皆信之時有富家楊姓者生二
子聞其名而交結之禮意懇至蓋為其子之未出痘
也後一子出痘因熱以湯蒸汗而死小子因服附子
弄發癰亦死於醫之手惜哉

益生胡篤庵咳久不止汗之不可下之不可因於表

裏之邪俱甚也自製一方用蘇葉薄荷葉桑白皮末
杏霜括萎霜桔梗末甘草末各等分虛者加阿膠蜜
丸白湯下或口中含五日而安後以此方治人屢効
黃芩芍藥湯 治傷熱乳而瀉黃

條芩 白芍藥各等分甘草半 加黃連等分

水煎

加減四物湯 治婦人乳少

當歸身 川芎 生地 麥門冬

桔梗 人參 生甘草各等分

右剉水煎服更用漬豬蹄新汲水煮熟爛和汁食之

幼科發揮卷之下

三化丸

三

三化丸

去胸中宿食莖莖之熱

枳實

炒

厚朴

姜汁炒

大黃

各等分

神曲糊丸麻子大每服量大小虛實溫水下

家傳保和丸

補脾胃進飲食治一切食積

白朮

陳皮

半夏曲

白茯苓

神曲

各三錢

枳實

炒

厚朴

姜汁炒

香附子

酒

山楂

麥蘖

麴

各二錢半

黃連

姜汁炒

連翹

去

萊服子

各二錢

右為末荷葉浸上煮梗米糊丸麻子大姜湯下

三黃枳木丸

治傷內食癰餅並辛辣肥厚一切

物

黃芩

黃連

皆酒炒

大黃

酒煨

神助

陳皮

白朮

各一兩

枳實

錢五

右為末荷葉浸粳米九麻子大白湯下

三稜消積丸

治傷生冷一切硬物冷積

三稜炮

莪朮炮

佛手

各一錢

青皮

陳皮

小茴香

巴豆

和米炒焦黑
去米各五錢

益智仁

丁香

各三錢

右醋炙丸麻子大量人加減生姜湯下

滋胃散 治誤服寒藥過多傷其脾胃者

陳皮

黃芪

蜜炙各七錢

益智仁

白豆蔻

澤瀉

乾姜

錢步名三

砂仁

耳草

霍香葉

厚朴

人參各三錢

一方有姜黃

三錢

右為細末每服五分至一錢姜枣煎湯

大黃豆卷散

治誤服熱藥此解之

貫衆

板藍根

耳草

大豆卷

無心

根水浸生卷是也
日乾各等分

右為細末每服五分井泉水煎飲

肺臟主病

肺主喘

實則悶亂喘促好飲水有不飲水者

虛則更氣長出氣

實則瀉白散葶藶丸瀉之

虛則阿膠散生脉散合并桔湯補之

瀉白散 治咳嗽而微喘面腫身熱

桑白皮

蜜炒

地骨皮

各等分

并葶

減半

入粳米水煎服

阿膠散

治久嗽肺無津液

阿膠

兩半粉

大力子

二錢五分

馬兜苳

半兩

并葶

錢

杏仁

七個去

粳米

右為末每服量加減煎服

生脉散合并桔湯

久嗽肺虛

人參錢一

麥門冬錢二

五味子十粒

苦楝錢一

右判分五劑每劑入阿膠五分水煎

兼證

諸氣喘促上氣咳嗽面腫皆肺臟之本病也加味酒
白散主之桔梗防風二錢甘草一錢地骨皮一錢分
燕見肝證由中風得之鼻流清涕惡風喘嗽宜發散
加減參蘇飲主之如久咳嗽變風疾不論如錢氏
所謂三瀉肝而肝病不退三補肺而肺證在虛是也
一小兒二歲久病嗽時十月初請予治之予曰不可
治矣父問其故予曰嗽者肺病也四時之病將來者

進成功者退十日建亥金氣已衰未氣始生吾觀令
血而色眊白肺之衰也頭搖手擺肝之風也肺衰風
生作搐而死果不治無見心證發熱飲水喘嗽悶亂
此心大勝也宜涼膈散加知母石善主之

久嗽不止黃連阿膠九黃連赤茯苓能抑心火肝得
其清焦見脾證咳則吐此傷乳食而喘嗽不安宜葶
藶九小喘曾加大黃主之

一兒泄瀉後病咳而喘上氣急予用芎蝎散効

一女子脾胃素弱一日啖土棗病腹脹而喘其母憂
甚恐夫知食以生冷也予曰勿憂乃依錢氏異攻散

加霍香葉以主脾經之溫紫蘇葉以去肺經之風一
大劑而脹消喘止

一女子素有喘病發則多痰予用補腎地黃丸服之
或怪而問曰喘者肺膈也今補腎何也予曰肺主氣
腎則納而藏之痰涎者腎之津液所生也哮喘吐涎
乃氣不歸元津液無所受也果服此丸而安

加味傷白散 古傷白散加蘇葉桔梗是也

參蘇飲

治傷風咳嗽

古參蘇飲紫蘇葉陳皮前胡

枳壳桔梗半夏茯苓乾葛甘草人參木香衆藥皆
等分甘草減半是也

東垣涼膈散

治心肺熱

甘草

枝子

薄荷

桔梗

連翹

河間涼膈散

去硝黃加桔梗是也

黃連阿膠丸

治肺熱或咯嘔血

黃連

三錢

赤茯苓二錢阿膠炒一錢

右以蓮肉為末水調膠和衆手九麻子大米飲下
小陷胸加大黃湯 治痰壅喘促以代葶藶丸

黃連

半夏

枳實

括萎

和皮用

甜葶藶

大黃

各等分

右剉先以水煮括萎一沸入藥煎七分食後服

芩竭散

治脾虛上氣喘息急嘔吐痰涎足脛冷者

川芎

華撥各一錢

蝎梢去毒

三

半夏

一兩

水洗七次焙乾

細辛各二分

在為極細末熱湯調稍熱服

肺所生病

諸氣上逆喘逆皆屬於肺

咳嗽有二

風寒外感者 痰飲者

如因感冒得之者必洒洒惡寒鼻流清涕或鼻塞宜

發散加減五物湯主之

麻黃連根節

杏仁

去皮尖

紫蘇葉

苦梗

甘草各等分

右剉水煎姜引服得微汗止

如發散不退渴飲飲水者宜瀉白散主之

如不熱不渴并桔湯主之 桔梗

并草各等分

紫葉減半

烏梅肉

右用水煎去渣入阿膠化丸

因於痰者或因乳多湧出兒小吞嚥不及嗆出而成痰嗽者或因乳啼聲未息氣未平強以乳哺氣逆而嗽者此乳夾痰而嗽也宜玉液丸主之

有痰甚氣弱不可下宜潤下丸主之

陳皮

去白鹽淡水浸炮括到少一水

枳殼炒

桔梗

大半夏

姜湯泡七次

甘草

蘇子炒

萊服子炒

白茯苓各一錢

右為末神曲糊丸黍米大白湯下

醫揮云經曰秋傷冷濕冬發咳嗽乃太陰濕土之病也凡咳嗽有痰有氣痰出於脾氣出於肝皆飲食之所化脾總司之也飲食入胃脾為傳化水穀之精氣為榮悍氣為衛周流一身晝夜不息虛則不能運化精悍之氣以成榮衛其糟粕之清者為飲濁者為痰留於胸中滯於咽嗑其氣相傳浮淫作痒介介作聲而發為咳嗽也故治痰咳先化其痰欲化其痰者先

理其氣陳皮枳殼以理肺中之氣半夏茯苓以理脾中之痰此治咳之大畧也若夫虛則補之阿膠散實則瀉之葶藶丸祖傳玉液丸無多丸予

小阿膠散

阿膠

粉炒

蘓葉

錢一

烏梅

許

每四字煎服

監生胡篤庵滋元溪翁之子也辛丑方四歲二月間

患咳嗽因與吾不合請醫張鵬素所用者以葶藶治

之隨止隨作四月間咳甚又請醫并大用治以五拗

湯暫止復作更迭用藥咳不得止秋亦甚咳百十聲

痰血並來至九月加重事急矣不得已欲請予治乃

筮之得蹇之漸其辭曰大蹇朋來遂請予往予以活

人為心，不記宿愆，視其外候，兩頰微赤，山根青，準頭紅，視其內證，果咳聲連，至百十，氣促面赤，痰先出而血隨之，痰血既來，其咳方定，問其所起之時，曰：自二月有之，問其所服之藥，曰：某用葶藶丸，某用五拗湯，予細思之，此病起於春，初春多上升之氣，木旺金衰，法當抑肝補脾，以資肺之化源，以葶藶瀉肺，此一逆也，夏多火熱，火旺金攻，法當清心養肺，治以寒涼，反用五拗湯，甘熱之藥，犯用熱遠熱之戒，此再逆也，今秋氣宜降矣，而上氣急者，春升之令未退也，氣宜歛矣，而痰血並出者，夏火之氣未退也，必與清金降火。

潤肺涼血非三五十劑不効也。乃告之曰：金卽之疾，肺有虛火，幸遇秋深，金旺可治。吾能愈之。假以一月成功。元溪曰：何太遲也。曰：病經八月者，無効。公不曰遲，而以一月為遲，何哉？又思予雖用心，彼終不安，乃語元溪云：請置一簿，自初服藥日起，某日服其藥，某日加減其藥，波聞之喜，終有疑心。因製一方：天冬、門冬、知貝母、桔梗、硬生甘草、陳皮去白、枳殼、阿膠片、參蘇葉水煎。一本無枳殼，蘇葉有瓜霜花粉，前胡。取茆根自然汁和飲之。五劑後，痰減十分之七，口臭之血止矣。元溪終不釋疑，又請醫萬終治之。或謂予曰：他不要你，你可去矣。予

曰彼只一子非吾不能治也。吾去彼再不復請也。誤了此兒非吾殺之亦吾過也。雖然且看萬緒用何方。用之有理吾去之如又誤必力阻之。阻之不得去未遲也。乃語元溪云。今卽之病吾今治之。將好一半矣。如何又請他人。彼云有病衆人醫。恐一人之見有限也。予曰然。紹立一方以防風百部杏仁桑白皮之類。予謂紹曰。王好古湯液本草風升生例。防風居先。此兒肺升不降。肺散不收。防風百部豈可並用耶。紹云。防風百部治咳。救之神藥也。元溪從傍和之云。他是秘方。予曰。吾爲此子憂。非相妬也。故撫其子之頭曰。

且少乞之可憐疾之復作奈何。獨舉不辭而退。元溪
畧不介意。是日服紹藥。纔一小杯。步復作。氣復促。血
復來。如飭其子泣曰。吾乞萬先生藥好此。爺請這人
來。要壽我。其妻且怒且罵。元溪始悔。親至大用之。
家予被酒困。坐待夜半方醒。元溪拜謝。祈請之心甚
切。予嘆曰。早聽吾言。不有此。卿要我謝。治必去。嫌疑
之心。專作托之任。以一月為期。至家。鄧夫人取白金
五兩。權作利市。小兒好時。再滿五兩。不敢少。望先生
用心。予笑曰。只要專信我。用我。使我治好了。不在謝
之多少。已至此。專心聽信。依舊昭曰。立方血止。後去。

李梴加冬花五味咳止後以參苓白朮散調之凡十七日而安如舊謝歸因名其方曰潤肺降火荈根湯今吾子等用之皆効

黃川府省祭許成仁有子病咳血醫用吾荈根湯治之不効吾見之與其醫云病不同也彼乃肺中有火氣逆而嗽此則肺虛嗽血矣乃立方與之用阿膠珠天門冬麥門冬桑白皮蜜炒桔梗甘草蘇葉烏梅柿霜煎服五日効

麻城曾美塘一子喻長州之妹婿也病咳半夜甚其子年九歲乃胎稟之不足腎虛嗽也用人參固本丸

加阿膠桑白皮蜜丸服盡劑而安

本縣汪元津一子病腎虛嗽與上證同請予治用人參固本丸加白茯苓知母貝母山藥各等分為末蜜丸服之安凡小兒百日內嗽不止者多可呼救雄治宜井桔湯加阿膠主之

小兒素有哮喘遇天雨則發者蘇陳九寶湯主之如吐痰者多六味地黃丸主之

經傳云腎者水臟也受五臟六腑之津液而藏之入心為汗入肝為淚入肺為涕入脾為涎入腎為精凡咳嗽之多吐痰者乃腎之精液不歸元也宜補腎地

幼科彙編卷之下

下焦

五

敷文堂

黃丸主之加巴戟杜仲鹽水炒肉桂蓉酒洗去甲小茴香炒破故紙炒研末蜜丸煎麥門冬湯下

本縣胡三溪長女素有喘痰發則多吐痰涎用上席腎地黃丸人初不知有笑之者後喘止痰止乃信之凡小兒久嗽不止面目浮腫者此肺氣逆也宜五皮湯加蘇葉最妙

一富室小兒瀉泄後病喘急予思此脾虛也寒濕之氣上升也用陳氏芳蠭散一服而止

一兒三歲病嗽血醫用茱根湯主治手阻之彼有後言予笑曰此吾家方也不信以夫子之道反議夫子

手因製一方用阿膠珠桑白皮蜜炒杏仁炒桔梗其
草紫蘇葉各等分為末蜜丸芡實大每一丸陳皮湯
下五日而安

喘嗽 肺主喘嗽喘有順逆嗽有新舊須辨明之
喘順者或因風寒而發不然則無是病也此傷外感
宜發散五虎湯主之

或有喘病遇寒冷而發發則連綿不已發過如常有
時復發此為宿疾不可除也初發之時且勿治之待
其少衰宜蘇陳九寶湯主之慎勿用吐霜輕粉諸毒
藥攻之與其巧而無益不若拙而行其所無事也

逆者大病與諸危篤病但氣喘急痰涎有音皆惡候
也不治惟腫脹之病常有喘者宜蘇子降氣湯主之
嗽 新者因風寒中於皮毛皮毛者肺之合也肺受
風寒之邪則發為咳嗽其證或鼻流清涕或鼻塞者
是也宜發散華蓋散作丸服之即三拗湯加減法也
或因乳得之凡兒啼哭未定不可以乳強入口乳氣
相搏而逆心豁出也胃氣既逆肺氣不和發為痰嗽
咳則吐乳是也宜順氣和胃加減大安丸主之
初傷乳者未得順氣化痰以致脾胃俱虛乃成虛喘
宜健脾補脾消乳化痰三奇湯主之

久嗽者初得病時因於風者未得發散以漸而入於裏肺氣益虛遂成虛嗽宜蘇肺散發散人參潤肺散主之

久嗽不已服上諸藥不効者宜神應散主之氣弱者必用之劑也如氣實者不可服宜家傳葶藶主之
久嗽不已嗽而有血者此肺損也宜葶藶花湯主之
久嗽不已胸高起如龜殼此名龜胸難治宜家傳葶藶丸主之咳止者吉不止者發搐必死

久嗽不已日漸羸弱又發搐者此慢驚風不治如不發搐但羸瘦者此名痺瘦宜人參款花羔合阿膠在

主之久救不已而浮腫者宜五皮湯加紫蘇葉主之
久嗽咯唾膿血者此肺癰也宜桔梗湯主之後救不
止發喘者死

小兒初生至百日内嗽者謂之百日內嗽度多者宜
玉液丸肺虛者阿膠散主之此名胎毒最為難治如
喘嗽氣促連聲不止以致發喘必死

華蓋散

治肺

感風寒痰壅咳嗽

麻黃

去

杏仁

去皮尖

蘇子

橘紅

白

桑白皮

蜜炒

茯苓

各等分

甘草

炙

右為末蜜丸彈子大每服一丸姜棗煎水服

人參 於花 燕 治久咳肺虛 沙冬花

百合 桑白皮 真炙 五味子 人參 各等

右為末蜜丸 芡實大每一丸紫蘇葉煎湯下

加減三奇湯 治傷乳嗽痰湧吐乳 桔梗

陳皮 去白 白茯苓 青皮 蘇子 炒

人參 桑白皮 炒各五錢 半夏 洗七錢 芡實 炒

甘草 炙各三錢 杏仁 十枚

右為末姜汁煮神曲糊丸用米大滾白水下

九寶湯 九寶陳麻薄一錢桂枝蘇杏腹皮燕桑耳二

字為梅一三片生姜用水煎一本有桔梗入童便

五虎湯

治肺喘

麻黃

分七

杏仁

錢一

甘草

分四

細辛

分八

石膏

分一

錢五

右作一服水煎本方去茶石羔加紫葉桑皮等分
各家傳五物湯

家傳葶藶丸

葶藶丸去防已牽牛加蘇子炒陳皮

去白等分東肉丸是也

加減大安丸

治傷乳喘嗽此保和丸加減法也

陳皮

去白

半夏

白茯苓

白朮

枳實

此

桔梗

各等分

蘇子

邱遠

桑眼子

錢半

白為末姜汁煮神曲糊丸麻子大炭姜湯下

桔梗湯

治肺癰

桔梗

生貝母

藟歸

括萎仁

枳殼炒

蒼朮仁炒

藥白皮

防已各二分

黃芪粉

甘草炙生

杏仁

去皮尖

百合各二分

右剉生姜水煎

神應散

治一切虛救

栗殼

去筋蒂

杏仁

去皮

白膠香

人參

阿膠

麻黃

去根

烏梅

去核各

桑白皮炒

款冬花

各一

甘草

炙兩

右為末最人加減姜末煎服

多禾考卷之十一
一女子四歲嗽久不止胸高起狀如龜壳嗽則其骨
扇動母之父知醫治之不効問予何如予曰此肺熱
而脹成龜胸也當聞諸父教云龜胸龜背方書皆有
之無治法也後嗽不止發搐而死

腎臟主病

腎主虛無實地黃丸主之

唯瘡疹腎實則黑陷此非錢氏之語乃記者之誤焉
而不詳者也以起後人之疑有瀉腎之方如百祥丸
之類有補脾瀉腎之論今兒天材盡信書則不如無
書也蓋人之一身肺主皮毛心主血脉脾主肌肉肝

主筋腎主骨髓五臟之有腎猶四時之有冬也瘡之毒乃自骨髓出現於筋肉血脉皮膚之外如是也之翕聚於冬者發散而為春之生夏之長秋之藏也變黑歸腎則不能發散於外而反陷於內此腎中真氣之虛邪氣之實所以立有祥丸牛李膏以瀉腎中之邪氣此瀉腎之真氣也況腎中之水潤澤光壯申津液之充滿也瘡疹黑陷者正腎主虛水不勝火津液乾枯故變為黑倒陷入裏所謂瀉之者瀉火救水之良法詳見痘疹心要

無證

諸虛不足胎稟怯弱者皆腎之本臟病也

五臟病後成腎虛者各用地黃丸加戒隨證惟瘡疹
歸腎有補有瀉變黑例陷者宜百祥丸牛李膏瀉之
泄瀉灰白癢溺者宜陳氏興功散補之

詳見痘疹心要

燕見肝證驚風及手足癱者宜地黃丸加牛膝當歸
續斷各二兩肉桂一兩為末蜜丸服

燕見心證驚風及失音不語者宜地黃丸加石菖蒲
栝子仁遠志各二兩為末蜜丸服

燕見脾證吐瀉及變痢疾者宜地黃丸加黃連黃蘗
各酒炒二兩乾姜炒車前子肉苁蓉炮各一兩為

末蜜丸服

藥見肺證咳嗽痰中有血宜地黃丸加天門冬麥門冬煇知母黃蘗蜜水炒阿膠炒各二兩蜜丸服

陳氏與功散

木香

人參

當歸

陳皮

白芷薤白

丁香

厚朴各錢半

肉桂

茯苓

白朮各二錢

半夏

附子

炮各一錢

右劉姜二片東二枚煎服

腎所生病 錢氏曰腎主虛即胎稟不足之病也

後經云腎主骨骨膏大抒大抒以上喉骨也項者頭

之莖莖弱則頭顛矣大抒以下脊骨也脊者身之柱

脊弱則身曲矣脊之下尻骨也尻骨不成則兒坐遲
矣尻骨之下則膀胱骨也膀胱骨弱則不能立矣膀胱之下
膝骨也膝骨弱則不能行矣齒者骨之餘骨氣不足
則齒生遲矣髮者血之餘腎之主血血不足則髮不
生矣皆胎稟不足之病也謂之五軟此兒難養並宜
六味丸加當歸杜仲牛膝川續斷主之

腎肝在下母子也腎主骨肝主筋骨屬于筋筋束乎
骨二者相為依附也肝虛筋弱者亦宜地黃丸主之
乃虛則補其母也

腎主骨髓脊者髓之路腦者髓之海也肝之脉與腎

脉內行於脊骨之中上會於腦故頭破解頭脊痺之病又肝腎之風熱子傳於脾之病也

解頭者有二或生下之後頭縫四破頭皮光急日漸長大眼瞽睛小此髓熱也

又有生下五六月後頭門已合而後開者此等小兒大數難養腎肝風熱之病宜加味瀉青丸主之所謂實則瀉其子也瀉腎瀉青丸加黃蘗黃芩黃連等分候未審先服服痺者小兒生後生瘡成餅狀如覆盤此風熱也宜加味瀉青丸加蔓荊子白茯苓炒
脊痺者小兒痺癢脊如鋸齒肋骨高起拍之有聲宜

集聖九加龍膽草拖子仁黃藥同為丸服

正齒根黑爛臭息出血者各走馬疳樣斗散主之

藥子煮下肉多少入塩填滿二斗相合放火中

燒過研末搽牙

下有一孫無父周歲生走馬疳用尔掃底白墜刮

下新瓦上火焙乾五分五倍子內虫灰三分鼠婦焙

乾三分枯白凡一錢共研末先用臘茶葉浸米泔水

洗淨以藥付之神效名曰不二散

兒有大疔暴瘡失聲者此腎怯也宜地黃丸加石菖

蒲主之

痘後小兒有平時大便常秘者後重者此腎虛血不足病也難經云利如下重是也不可聽信下醫妄用下劑宜地黃丸加當歸二兩火麻仁二兩主之
按五藏虛實補瀉之法引經解之經云和氣盛則實真氣奪則虛所謂實則瀉之者瀉其邪氣也虛則補之者補其真氣也如真氣實則為無病兒矣豈有瀉之者乎云肝常有餘脾常不足者此却是本臟之氣也蓋肝乃少陽之氣兒之幼生如木方角乃少陽生長之氣以漸而壯故有餘也腸胃脆薄穀氣未充此脾所以不足也

小兒五色脣明聲音清響此心肺之氣足也乳食能進大小便調此腸胃之氣足也手足和暖筋骨剛健此皆腎肝之氣足也是謂無病易養不宜妄投藥餌誅罰無過也

如面色皓白聲音微小此心肺不足也乳食減少吐瀉頻作此腸胃不足也虛解頭軟手足痿弱此肝腎不足也是兒多病難養此以形體之虛實辨五臟之強弱也有病者各宜隨五臟之虛實按方治之

小兒熱証有七 面頰紅 大便燥 小便黃

喝不止

上氣急

肝發熱

急

肝熱

已上不置

小兒冷證有七 面眊白 糞青色 腹虛脹

眼珠青 嘔奶乳 脉微沉 足脛冷 已上不宜服寒藥

此熱證者即氣實也宜用寒涼瀉之如服熱藥謂之實實寒證者真氣虛也宜用溫熱補之如服寒藥謂之虛虛經云母實實母虛虛母天入長命此之謂也

因五邪之氣所生病

經云春傷於風夏生飧泄 飧泄者謂飲食不化也 發揮云唯經有五瀉之辨脉訣云濕多成五瀉又有胃風湯證雖大小不同間亦有之不可不知也 如傷風吐瀉者風屬木脾胃屬土土虛故木乘之水

穀不化謂之**完穀**也此從胃中來故不化若自小腸

來則半腐化出來成糟粕矣自大腸來水穀已別穀

多水少矣故傷風飧瀉有惡風表證者宜發散之桂

枝湯加羌活防風黃芩或瀉青丸去大黃加炙甘草

或加減敗毒散 無表證者神木散 風癰柴苓湯

加減敗毒散 古方去獨活枳壳加當歸各等分
姜棗引

神木散 治春傷於風夏生飧泄

蒼米減 藁朮 川芎 各六錢 羌活和

芍草 炙六分 細辛二分

右為末分二服姜水一煎

如下鮮白者此風熱也胃風湯主之

傷風咳嗽此風入肺也宜發散人參荊芥散主之

風係內

夏月傷暑作吐瀉者宜加味五苓散主之

猪苓

澤泄

白朮

白茯苓

桂

藳香葉

砂仁 各等分

為末白湯化下

夏月泄瀉小兒極多治有三法清暑者一也利小便

二也溫中三也以涼藥止之治壞病也

發揮云初瀉有發熱口渴者此宜以清暑氣為先不

可使用理中湯丸內有熱恐乾姜犯時禁加減香薷

勿科發揮卷之下

醫所生疾

七十五

教文堂

飲主之

香需

黃連

炙甘草各一分

煎湯熱服

或理中湯丸冷服之或六一散生姜湯調服

如初水瀉無熱無渴者不可服玉露散太多恐犯胃氣也宜理中湯加藿香煎成湯澄冷服或理中丸用冷水化開服之

玉露散

寒水石煨

滑石 各三兩 甘草一分

共研勻冷水調服

如上法不止者宜利小便有熱有渴者六一散同服無熱無渴者入理中丸化開服之此吾家傳治夏月

瀉泄之良方也從吾法者有發有降遠吾教者得失多詳見前

予耳安初生男未週歲六月病瀉安兄林大用吾所傳者治之不效反加大熱大渴予歸問曰所服者理中丸吾蓋料其不知用熱遠熱之戒犯時禁也乃製玉露散以解時令之熱冷水調服一劑而安玉露散自此收入小兒方也又本縣一屠家徐姓者有兒十二歲六月病瀉請大用用因前失以玉露散之不知中病即止恐犯胃氣之戒又失之此兒初服藥後瀉渴俱止再服之瀉亦甚又服之大熱大渴面赤如大

張口喘呼用見事急自邀我同看予問所服者何藥
也云前所製玉露散也又問服幾次其父母應云初
服一次効後連服三日越服越不好望相公救之予
教用理中湯加熟附子一片服之又教云服藥後若
安靜即止藥若煩燥再與一劑用受教往治果加煩
燥連進二服而安用獲厚謝特至吾家拜曰以報日
前之教因問予二子病證相同治法各別何也予曰
夏至後瀉者七分熱三分寒治此瀉者當七分寒藥
三分熱藥前證因汝多服理中湯犯用熱遠熱之戒
故用玉露散以解大令之熱後証因汝過服玉露散

傳其中氣故用理中湯加附子以救裏也用曰何以
安靜者不治煩燥者反可治也曰夏至後地卦用事
伏陰在內六月建未其位在坤坤為腹而生土土爰
暖而惡寒玉露性寒傷其脾土陰甚於內陽脫於外
故用理中附子之辛熱所以收斂欲脫之陽勝其方
長之陰服藥安靜者脾以敗絕投藥不知故不可治
加煩燥者寒熱相搏脾有生意故再投藥使勝其寒
也用曰如此神妙予初何以知之下火治此熱渴常
如之何予曰看其病證何如渴多熱渴少者急以溫
中為主先進理中湯後以玉露散微解之不渴者不

必用也先大熱大渴瀉少者此裏熱甚也急解其暑
毒以玉露散解之熱渴畧止後用理中湯補其中氣
泄止不可再服也如渴不止只用白朮散治之理中
玉露皆不可服切記吾言再勿悞也白朮散治瀉渴
不止要藥也如服白朮散瀉渴不止者此上壅以犯
者腎得水而反燥故轉瀉渴宜白朮散去乾薑加炒
乾姜等分服之幸以潤燥致津液用自此後醫術漸
通家道頗昌 暑瘧者柴胡白虎湯即小柴胡合白
虎湯 暑咳者耳枯湯合黃連阿膠丸
經云夏傷於暑秋發痄瘧早謂瘧之為病不惟中土

有之凡風寒暑濕飲食勞倦皆能為病也大抵民病
瘧痢者多蓋四時之氣太陰濕土之令手太陰肺經
受風寒暑濕之氣病瘧多足太陰脾經受飲食水穀
之邪則病痢多二經俱受邪則瘧又病痢也病瘧者
平瘧養脾丸主之病痢者和中丸主之此家傳不易
之秘法也實之重之勿輕示人也難云形寒飲冷則
傷肺肺主皮毛秋冬病宜攻者多因傷寒得之鼻塞
聲重宜發散麻黃湯主之

麻黃

連根水

杏仁

去皮尖

生甘草

各等分

右用水煎服熱甚者加生石膏末嚼茶葉各五虎

湯神効

流傷腎利而下重秋月病痢者皆腎病也宜地黃丸
夫丹皮加黃蘗酒炒破故紙炒小茴香炒各二兩乾
姜炒黑五錢研末丸服

經云冬傷於寒春必病溫溫者溫熱之病也况冬月
膈熱令行則陽氣暴洩不能閉藏為寒所折至春則
發為熱病也小兒得之則發瘡疹病者亦溫熱之類
也如有此氣宜預服代天宣化解毒丸甚有良驗